

CARDINALITIS DISPUTATIONIBUS

M. RAPHAEL MAURIN , Doctore
Medico , Præfide.

*An subtilis materia cum aëre juncta agrum sanat, & corpus
anime domicilium conservat?*

SANITAS est perfecta omnium functionum integritas, quæ debito spirituum ordine fovetur, dum humores qui debent excerni, vacuantur, qui debent retineri, conservantur; perfectâ frui-
mur sanitate, dum spiritus qui facile se extricat, leviter involvitur,
dum materia crassa quæ nimium sibi adhæret, parum attenuatur, nec præcipiti nec lento feruntur humores gradu, nec spiritus seu subtilis materia humores nimium exagitat, non subtilem dico Cartesii materiam; subtilissimum quod concipitur, ignis est, qui omnia subit, qui in rerum creatione productus fuit, illic viget, ibi languet, collectus & extricatus omnia evertit, divisus & involutus nullâ vi pollcet. Nos ignem subtilem materiam statuimus, quæ sensus nostros afficit, ratione & experienciâ nitimur. Ignis moderatus organa corporis humani conservat, anima illis eget ut retineatur & operetur, sola ratione est prædita, nec interitui obnoxia; omnia alia animalia sunt rationis expertia. Gallina fovet ova, pullos ab ovis educatos ducit, & ad pastum vocat, à canibus & aliis quantumque in se est, vindicat, alis pullos continet suos, eosdem ætate proventus, dum ad matrem accedunt, rostro suo mater expellit, si suos cognosceret pullos, suorum amicitia & tot laborum recordaretur mater, nulla gallinæ inest cognitio, aderat solus naturæ motus nullâ ratione fretus.

MULTA ad sanitatem conservandam, pauca ad evitendam concurrunt, humor biliosus sensim sine sensu à sanguine ad cystim felleam debet ferri, serosus viam sibi paret ad renes, mucosus ad nares; dum per filtra natura se exonerare non potest, confunduntur humores, intricatur spiritus,

aut intenditur fermentatio; subtilis sanguinis portio copiâ & humorum crassitie obruitur, totius corporis motus languet, calor adhuc in majoribus vasis, & in corde micat, omnes tandem figuntur humores, motus cessatio mors est. Dum nimio motu attenuantur humores, effervesceit sanguis, vix intra vasa contineri potest, majus occupat spatium, venas & arterias distendit, omnes accenduntur humores, acutissima febris agrotantem vexat; sæpe attenuatus humor fertur ad caput, compositos spirituum motus evertit; quorum ope veræ species animæ representantur, ordo perturbatur, debitas actiones anima non elicit, inde delirium subsequitur; si statim non succurrat Medicus, vasa disrumpuntur, per apertam viam totius corporis sanguis effluit; intra breve temporis spatium moriuntur agrotantes, aut sanguis nimium attenuatus è vasorum extremitatibus exilit, per substantiam alicujus partis diffunditur, interstitia subit, colligitur sanguis, vera fit inflammatio quæ in abscessum migrat, nisi derepente opem ferat Medicus. Æstu aliquando sanguinis fit colloquatio, serosus humor separatur, nunc in illam, alias in alteram partem impetu ruit, fibrosa sanguinis portio sibi cohæret, motus sanguinis progressivus intercipitur, illic serum exuperat, ibi deficit, fervet corpus & urens calor omnia depopulatur, sanguinis partes arcescunt, nimia fermentatione dissipantur spiritus, sanguis exsiccatus suis destitutus spiritibus ad partes amplius non appellit, illius cessat motus, deficit æger.

III.

MEDICO speciem causamque morbi, & partem affectam detexisse non sufficit, sed mederi agrotantique succurrere debet; homo nimia sanguinis fermentatione, vel dum intricantur spiritus, interit, ær cum subtili materiâ junctus pulmones ingreditur, sanguinis fervorem temperat, humorem acriorem demulcet, imperum sanguinis cohibet; venæ sectione sanguis qui educitur propellit ærem qui pulmones subit, extracti cruoris locum occupat; detractâ portione oneris, natura sublevatur, mitescit humor, non ita sævit, revellitur sanguis, ferocitatem deponit, tandem naturalem recuperat motum; emulsiones, apozemata refrigerantia non sunt omittenda, quæ tenuitate pollent sine calore maxime profunt; dum sanguis tantam acquisivit crassitiem ut vix moveri possit, lentus & viscidus humor abundat, humorum lentore involvitur spiritus, qui se extricare non potest, condensantur omnes humores, concidunt vires, tandem gravissimo æger corripitur morbo. Subtilis materia cum aëre juncta ad pulmones tendit, sanguinem rarefacit, attenuat, fluidiorem reddit; ær in cubiculo agrotantis sit calidior, calida tum per nares, tum per os assumantur, apozemata calida, vehementiora purgantia, emetica exhibeantur, ut concutiantur, exagitentur & irrentur partes, sanguis qui jam jam coagulatur, rarefit, spiritus sese expediunt, lentam crassamque pituitam attenuant; Chymica medicamenta in hoc casu maxime conveniunt. Ignis chymicâ arte varios edit effectus, in sale fixo alkali causticum est, & urit; in sale volatili alkali rarefacit, sudores provocat; in spiritu acido metalla dissolvit: cave ne exhibeas salia illa ad sedandam fermentationem, & spiritus ad cohibendum sanguinis motum, sanguinis ebullitionem augebunt, aut solidas corporis partes abradent. Chymi-

31
ci non dico genuinos, nomine alkali omnes demulcent humores, vi alkali omnes accendunt, acrioresque reddunt; nec dicant Chymici in morte friget homo, à frigore mors est; dum tota domus flammâ consumitur, post omnem unctionem, quod reliquum est, friget; domus hæc non à frigore, sed à calore in cinerem abiit. Frigidum omnia involvit condensatque, frigidò & calido corpore omnia conservantur, dum unum exuperat & aliud omnino vincit, vehementissimus est motus, fit continui dissolutio, aut omnino constringitur corpus, ab initio corpora illa tali virtute prædita sunt, quæ ad finem usque perseverabit. Contraria illa corpora semper inter se pugnant, hyeme corpus frigidum debellat calidum, æstate calidum superat frigidum, vere & autumno æqualis est fere pugna; illis corporibus à mundi exordio has Deus concessit qualitates, dum ad prima elementa devenit, ad Deum recurrere non dedecet.

I V.

PROCELLIS elapsis placidus est aer, Nautæ adhuc verentur, nimio fluctuum motu, integræ non sunt naves, in tuto sunt Nautæ, naves reparari debent, ut ad portum perveniant. Præteritis quatuor morborum temporibus immediate post, homo nec sanus est nec ægerat, præcessit morbus qui totum fere depopulatus est corpus, illud exhaustum est, refici debet. Sanitas portus est quem attingere convenit. Ut finem suum consequatur Medicus, Æger si biliosum nactus sit temperamentum, in humili degat loco, aërem purum humidumque recipiat; si obesus sit homo, & humido temperamento præditus, in sublimi stet loco; primus crasso & humido aëre vires recipit, calor qui corpus exsiccat, refrigeratur, subtilis cruoris portio paululum incrassatur, sanguis qui nutrit partes, adhæret; concitior sanguinis motus coërcetur, partes omnes dulcem suscipiunt sanguinem, excrementitii discernuntur humores, ferox bilis lenitur. Qui pituitoso donatur temperamento, in quo viscerum coacervantur humores, subtili aëre perfectam recuperat sanitatem, tenuior aëris portio obstructions solvit, lentam crassamque pituitam incidit, lentus sanguinis motus paululum acceleratur, spiritus nitidiores fiunt, singulæ partes proprium & conveniens alimentum suscipiunt, homo à statu neutro ad sanum transit.

V.

PHILOSOPHI multa sinxerunt, quæ nullius sunt momenti, ex fictis alia supponunt, tandem multa subsecuntur falsa. In physicis secundum experimenta ratiocinandum, non supponendum est; supponamus ventos statis horis flare, & ad litus propellere mare, deinde quiescere, maris accessum ad litus & recessum explicare non erit difficile. Supponamus terram moveri, stat sol. Admittamus pulverem arte chymicâ extractum, convertere alia metalla in aurum & argentum, pulvere illo statim argentum fiet. Non supponimus esse discrimen inter ignem & materiam subtilem, ignis per universum mundum diffusus est, ignis corpus est calidum seperando dividit, frigidum corpus jungendo copulat, hoc hyeme manifestum est, frigus agit non iners est, illud sentimus; vis illorum corporum consistit in motu, & qualitate quantitatis non in figurâ, corpus quod in acumen desinit semper non

4

pungit, ut in cerâ apparet, figura modus est. Tenuior sanguinis portio fit à subtili materiâ cum blando humore juncta, qui humor subtilem retinet materiam; hæc substantia spiritum constituit, dum è cerebro per nervos in omnes corporis partes diffunditur, motum & sensum efficit, spiritus est animalis, spiritus animales nervulos cerebri & fibras multis modis commovent, anima ad illos motus attenta varia distinguit objecta, illorum spirituum ope suo perfecte fungitur officio anima, movet spiritus, quomodo agat hoc nos latet, cum sit ens superius, agit in inferius; qui animam cognoscere assèrit, sibi blanditur; cognitionem ab animâ pendere in dubium revocari non potest: animæ essentiam cognoscere non est hominis in hoc mundo degentis. Anima ad Dei naturam plurimum accedit; Hic omnium Conditor non materiæ auxilio omnia cognoscit, sed suâ substantiâ spiritali; anima suâ substantiâ spiritali falsum à vero distinguit; reliqua animalia si essent ratione prædita, collectis viribus simul congregarentur, hominibus bellum inferrent, proprias occuparent terras, non bos infanti obtemperaret, nec elephans hominis voluntatem sequeretur. Dum omnino delentur organa nec anima potest agere, cum existentia entis spiritalis ab organis non pendeat, anima suis soluta vinculis, Deum suum centrum petit.

*Ergo subtilis materia cum aëre juncta agrum sanat, & corpus
anime domicilium conservat.*

Proponebat Parisiis LUDOVICUS FRANCISCUS
DUTAL, Parisinus, Baccalaureus Medicus.
A. R. S. H. 1790.

Apud FRANCISCUM MUGUET, Regis & Facultatis Medicinæ
Typographum.